

天津府志卷之二十九

人物志下

武功

晉

石苞 字仲容渤海南皮人雅曠有智局容儀偉麗不修小節時人爲之語曰石仲容妓無雙縣召爲吏給農司馬會謁者陽翟郭元信奉使求人爲御司馬以苞及鄧艾給之行十餘里元信謂二子曰子後並當至卿相苞曰御隸也何卿相乎既而又使到鄴販鐵於鄴市市長沛國趙元儒名知人

天津府志

卷之二十九

人物  
武功

一

見苞異之因與結交歎苞遠量當至公輔由是知名見吏部郎許允求爲小縣允謂苞曰卿是我輩人當見引在朝廷何欲小縣乎稍遷景帝中護軍司馬歷東萊瑯邪太守所在皆有威惠遷徐州刺史文帝之敗於東關也苞獨軍而還帝指所持節謂苞曰恨不以此授卿以究大事乃遷奮武將軍假節監青州諸軍事諸葛誕舉兵淮南苞統青州諸軍擊破之拜鎮東將軍封東光侯武帝踐祚遷大司馬進封樂陵郡公苞在位忠勤帝每委任泰始八年薨車駕送東掖門外策諡曰武

晉書  
大傳

劉孟和 名協浮陽饒安人聚眾附高昂兄弟位至

大丞相司馬 北史高季式傳

王 駿 滄州景城人少孤好學祖有方奇之曰是

子當興吾宗長豪曠不樂為衙檢事擢明經第調

清苑尉歷除殿中侍御史景龍末授桂州都督州

有兵舊常仰餉衡永駿始築羅郭罷戍卒埭江開

屯田數千頃以息轉漕百姓賴之開元二年吐蕃

寇臨洮駿自洮水敗之以功加銀青光祿大夫突

厥叛駿將兵以討夜遇雪誓於神止雪及風由東

道追及之獲級三千累遷兵部尚書復為朔方軍

天津府志

卷之二十九

人物武功

二

大總管始二張誣魏元忠駿獨上疏申治宋璟曰

魏公全矣子再觸逆鱗其 石 後曰魏公以忠獲

罪苟得辨雖死弗悔駿卒後信安王禕討奚於幽

州告捷且言戰時士咸見駿與部將高昭麾兵赴

敵天子嗟異戶部郎中陽伯成上疏請封駿墓表

異之優其子孫帝乃遣使祭駿廟進諸子官 唐書本傳

高崇文 字崇文渤海人七世不異居開元中再表

其閩崇文性樸重寡言少籍平盧軍貞元中從韓

全義鎮長武城治軍有聲累官金吾將軍吐蕃寇

寧州崇文率兵往救大破之劉闢反宰相杜黃裳

薦其才統兵討關八戰皆捷關追禽之檻送京師  
進檢校司空南平郡王卒諡威武子承簡拜澠州  
刺史遷刑部吏民立石頌功進檢校尚書左僕射  
入拜右金吾大將軍復節度邠寧唐書  
按唐書稱崇文其先自渤海徙幽州畿輔通志因  
載人順天府夫既由渤海以徙幽州則河間府志  
列於滄州亦可地  
因人重姑兩存焉

### 五代

毛璋 滄州人梁末戴思遠為橫海軍節度使璋  
事思遠為軍校晉已下魏博思遠棄滄州出奔璋  
以滄州降晉以功為貝州刺史璋為人有膽勇自

### 天津府志

### 卷之二十九

人物  
武功

三

晉與梁相拒河上璋累戰有功莊宗滅梁拜璋華  
州節度使在鎮多不法議者疑其有異志乃徙璋  
鎮昭義璋初欲拒命其判官邊蔚切諫諭之乃聽  
命璋累歷藩鎮又在華州得魏王繼岌伐蜀餘貲  
既富而驕益為淫侈嘗服赭袍飲酒使其所得蜀  
妓為王衍宮中之戲於前明宗聞而惡之召為金  
吾上將軍東川董璋上書言璋遣子廷贇持書往  
西川疑其有姦明宗乃遣人追還廷贇并璋下御  
史獄廷贇稱實璋假子有叔父在蜀欲往省之而  
無私書璋無罪名有司議璋前任漢 鎮因畜異圖

及處班行不慎行止乃停璋見任言勒還私第初  
廷贊之蜀與其客趙延祚俱及召下獄延祚多摺  
璋陰事欲言之璋許延祚重賂以滅口既出而責  
賂於璋璋不與延祚乃詣臺自言并璋復下獄鞠  
之無狀中丞呂夢奇議曰璋前經推劾已蒙昭雪  
而延祚以責賂之故復加織羅乃稍宥璋璋欵上  
有告者言夢奇受賂而劾獄不盡乃移軍巡獄獄  
吏希旨鍛鍊其事璋俱伏許賂延祚而未與嘗以  
馬借夢奇而無受賂璋坐長流儒州已而令所在

賜自盡

五代史本傳

天津府志

卷之二十九

人物武功

四

李瓊 滄州饒安人少爲騎將與晉高祖俱隸唐  
明宗麾下同光二年契丹犯塞明宗出涿州遇契  
丹與戰不勝諸將各稍引去而晉高祖獨戰不已  
契丹漸合而圍之瓊引高祖衣與俱遯至劉李河  
而追兵且及瓊浮水先至南岸高祖至河中流馬  
踣瓊以長矛援出之又以所乘馬與高祖而步護  
之走十餘里乃得免明宗兵變於魏而南瓊從高  
祖以三百騎先趨汴州高祖爲保義軍節度使以  
爲牙隊指揮使高祖建國以爲護聖郤虞侯賜以  
金帛甚厚而不與之官爵瓊亦鬱鬱久之拜相申

二州刺史出帝時爲棣州刺史楊光遠反以書招瓊瓊拒而不納遷洛州團練使又爲護聖右廂都指揮使晉亡契丹入京師以瓊爲威州刺史行至鄭州遇盜見殺

五代史本傳

宋

劉遇 滄州清池人少魁梧有膂力周祖鎮大名隸帳下廣順初補控鶴都頭改副指揮使宋初遷御馬直指指揮使俄領漢州刺史改領眉州累遷控鶴右廂都指揮使領瓊州團練使從征太原以功遷虎捷右廂改領蔚州防禦使開寶六年轉侍衛

天津府志

卷之二十九

人物武功

五

步軍都虞侯領洮州觀察使征江南領步軍戰擢都指揮使時吳兵三萬屯皖口遇會諸路兵破之擒其將朱令贇王暉等獲戎器數萬金陵以平錄功加領大同軍節度車駕雩祀西洛命率禁衛以從太平興國二年出爲彰信軍節度四年征太原與史珪攻城北面平之進攻范陽師還坐所部失律責授宿州觀察使五年從幸大名復保靜軍節度幽州行營都部署護築保州威虜靜戎平塞長城五城八年徙鎮滑州晨興方對客足有灸瘡痛其醫謂火毒不去則痛不止遇卽解衣取刀割瘡

至骨曰火毒去矣談笑如常時旬餘乃差遇性淳謹待士有禮尤善射太宗待之甚厚雍熙二年卒

年六十六贈侍中歸葬京師

宋史本傳

張昭遠 字持正滄州無棣人父凝殿前都虞侯寧

州防禦使契丹內寇凝與康保裔伏兵瀛州陷圍中昭遠年十八挺身掖出之擢左班殿直寄班祇候每出使還奏利害多稱旨爲忻州都巡檢改閤門祇候知火山軍管勾河東緣邊安撫司再遷內殿崇班天禧初閤門副使缺員樞密院方奏議擬人真宗曰朕有人矣張昭遠知邊略曹儀習朝儀

天津府志

卷之二十九

人物武功

六

可並除西上閤門副使俄爲河北緣邊安撫副使尋知瀛州遷西上閤門使知雄州獻言歲會四榷場人中銀帝謂輔臣曰先朝置榷場所以通貨非所以計貿易之利也會大雨陂塘大溢昭遠勒兵築長堤以捍其衝徙鄜延路兵馬鈐轄築堡成平川領忠州刺史知成海軍遷四方館使滹沱河決壞城郭乃修五關城外環以堤民至今爲利擢捧日天武四廂都指揮使新州防禦使歷步軍馬軍都虞侯嘉州防禦使知代州召還改莫州防禦使龍管軍授左龍武軍大將軍昭州防禦使卒特贈



應州觀察使

宋史本傳

元

張榮

清州人後徙鄆陵歲甲戌從金太保明安

降太祖賜虎符授懷遠大將軍元帥左都監乙亥

正月奉旨畧東平益都諸郡戊寅領軍匠從太祖

征西域諸國庚辰八月至西域莫蘭河不能涉太

祖召問濟河之策榮請造舟太祖復問舟卒難成

濟師當在何時榮請以一月爲期乃督工匠造船

百艘遂濟河太祖嘉其能而賞其功賜名兀速赤

癸未七月陞鎮國上將軍破水手元帥甲申七月

天津府志

卷之二十九

人物武功

七

從征河西乙酉從征關西五路十月攻鳳翔礮傷

右髀帝命賜銀三十錠養病於雲內州庚寅七月

卒年七十三子奴婢襲佩虎符礮水手元帥領諸

色軍匠太祖伐金命由關西小口收附金昌州等

郡乙未金亡戊戌授懷遠大將軍癸卯三月陞輔

國大將軍甲辰二月領蒙古漢軍守均州戊申九

月宋兵襲軍州奴婢拒戰大敗宋師己酉十一月

復與宋兵戰流矢中右臂中統三年卒年七十五

子君佐襲佩虎符礮水手元帥戊癸州五年都元

帥阿木命將礮手兵攻襄陽至元八年調守襄陽

一守城。駝嶺攻南門牛角堡。破之。攻樊城。親立礮。摧其角樓。樊城破。十年襄陽降。系政阿魯海牙以宋降將呂文煥入朝。奉旨召蒙古漢人萬戶凡二十人。陞見各以功受賜。帝親諭之。令還鎮。十一年從軍下漢江。至沙洋。丞相伯顏命率礮手軍攻其北面。火礮焚城中民舍。幾盡。遂破之。賜以良馬。金鞍。金段。又以火礮攻陽邏堡。破之。十二年從大軍與宋將孫虎臣戰於丁家洲。復從丞相阿朮攻揚州。是年冬又從諸軍破常州。十三年陞懷遠大將軍。仍礮水手元帥。秋君佐屯軍真陽間。絕宋糧。

天津府志

卷之二十九

人物武功

八

道宋制置李庭之都統。姜才棄城走揚州。平以君佐爲安慶府安撫司軍民。達魯花赤十四年春安慶野人原及司空山天堂賊將攻安慶。君佐密察知之。時城中軍僅數百人。君佐命搃賊出沒要道。賊不敢入。乃寇黃州行省。命君佐率衆復黃州。因以爲黃州達魯花赤。十五年加鎮國上將軍。仍礮水手元帥。十九年命率新附漢軍萬人修膠西閘壩。以通漕運。二十一年兼海道運糧事。是年卒。

元史

本傳

徐州人。文珪提領清池縣事。至元四年秉



節襲父職甲寅宋人圍海州秉節往援突陣擒二將五年從王師圍襄樊初城白河鹿門諸堡宋人數出兵爭其地公誓麾下曰時方吊伐丈夫當捐軀立功垂名竹帛不可呶唔牀第空死婦人之手衆皆諾之每戰擐甲臂鎗爲士卒先二十三年分守饒陽之安仁縣擒劇盜蔡福乙安仁以寧後官棗陽副萬戶卒子英嗣英亦英武有謀畧不妄殺降卒時稱父子祖孫仁義將軍

明

甄實 字德輝慶雲人任汝寧府同知歷官陝西

天津府志

卷之二十九

人物武功

九

四川布政使時天下甫定人心震驚實興學校勸農桑理冤抑清操自勵整飭戎行適巨寇方張實勦除之民獲奠安遂蒙殊賜居川十六年以平苗功錫劍玉加南京兵部尚書曾葺邑志簡核具有史材

胡欽 字敬夫慶雲人莒州知州璉之子任建安知縣有劇寇鄧茂七等爲亂盤踞竹查山官兵擊之不克欽使人諭賊曰汝等係良民爲賊迫至此方今大兵且至悔之無及有能沒順請赦仍免役一年賊聞之咸流涕棄戈投降者五百騎欽請於

鄰御史張偕復爲良民賊首大懼復招聚亡命二萬餘圍建安城索欽復讎時有兵部尚書金澤領兵太監王瑾總兵官寧陽侯陳懋等俱困城內莫敢出敵事急召欽曰賊旣索公公當何如欽曰旣爲臣子焉敢惜死遂乞精兵一千誓與賊戰呼其子瀕曰定內有井爾子母守之勝則父子保全不勝則急投井死軍士聞之皆流涕欽遂振師出城入賊營兵潰散欽率衆鼓噪大戰無不以一當百適都督劉得新領兵卒至兩軍相合懋等率衆亦出三面夾擊斬首數百級茂七中流矢死澤大

天津府志

卷之二十九

人物武功

十

喜函茂七首傳檄奏聞恩賜織錦二表裏銀壺金爵陞延平府知府時正統十四年二月也未幾陞陝西叅政與都御史馬中錫共修邊備有功歷任四川山西左布政使卓有清譽歿祀鄉賢

國朝

陳喜 號瀛海慶雲人體貌雄偉個儻饒幹畧

國初以武生授天津道標中軍遷薊屯營遊擊 豫王出征潼關推喜前鋒奏凱賜戰馬白金以旌其功總鎮孔希貴奏隸本營其時巨寇四面盤據喜胥削平之分守歸德巨寇李化鯨僭號河北時本營

兵調征鄖陽化鯨窺河南甚忽喜以我兵雖寡素  
爲賊所憚斷不敢直攻必潛師上流襲我之後以  
大衆扼其前乃設伏因半渡水陸夾擊之賊衆遂  
潰撫軍吳景道題敘其功爲全豫所賴轉涿州叅  
將數擒劫寇道路獲安經畧洪承疇出師江南題  
請隨征時賊衆十餘萬攻常德諸將各有汛地喜  
獨以僻地爲憂嚴陣以待賊果抄道來攻知其有  
備乃遁敘功以副總兵協鎮金華復被詔勦賊躬  
擐甲胄晝夜數十戰積勞以卒喜善撫士卒恩威  
並著自弱冠履行間屢立奇勛卒年四十五子仕

天津府志

卷之二十九

人物

十一

雅授州判

以上慶雲縣志

陳元璐

青縣人授湖廣保慶府通判陞廣西平樂

府清軍同知五省經畧洪承疇嘉其才特委監軍  
入山進勦勞瘁成疾卒於軍蔭一子

青縣志

介節

明

崔 琰

青縣人素有氣節洪武時膺薦舉任知縣

累官戶部郎中命領工部檄同平江伯分巡河道  
清苦勤慎宣德間賜白金二笏宣德九年致仕從

祀鄉賢

河間府志

李 琚 字崇璧鹽山人天性孝友以弟子員充貢

入太學卒業甫期擢戶部雲南司主事尋調廣東  
司正統甲子冬陞郎中復用薦進階奉議大夫在  
官凡卿貳有所商榷若國用之贏縮邊儲之豐耗  
與夫兵民之轉輸從中贊之議論允當有裨於國  
計者甚多時河間民有部運租稅者以白金若干  
遺家僮而道其姓名竟趨去琚走白卿貳召其人  
笞而還之生平清介大率類此 分省人物考

汪 來 天津人嘉靖辛丑進士授刑部主事陞山

西兵備副使居官嚴毅不避權貴豪姓聞風斂跡

天津府志

卷之二十九

人物介節

三

罷官日不妄通竿牘冠蓋到門鍵戶不納日以詩

文自娛 天津衛志

邊維新 字鉉鑑靜海人性耿介有節操中萬曆庚

子舉人授鞏縣知縣庭無冤獄野無追呼鞏人戴

之後擢邠州知州以痼疾予告歸時要人欲致之

為聲援歆以大用不應每謂諸子曰予欲使汝輩

為清白吏子孫冰山安可恃乎以鞏縣封文林郎

崇祀鞏縣名宦 靜海縣志

胡時祥 字季卿慶雲人生而器識一羣讀書每至

達旦文章高邁見者偉之父沒哀毀骨立中萬曆

乙卯舉人欲就一職供菽水會魏璫亂政母曰尹  
母有言吾知汝以善養不知汝以祿養也遂止母  
病躬侍湯藥數年如一日疾劇禱於神求以身代  
母卒杜門謝客謀子弟不事干謁同榜輩居台垣  
負重望者欲時祥一面不可得山東張潑稱公典  
章老成爲第一流人物慶雲縣志  
李昌 與濟縣人任三原縣知縣操持廉介剛正  
不阿累陞甘州兵備道副使致仕家居布衣蔬食  
處之裕如

國朝

天津府志

卷之二十九

人物介節

三

高位 字抑之鹽山人天啓丁卯科舉人任山西  
汾陽縣知縣以父艱歸里寬和平易凡公務有益  
於邑者輒身任之

國朝三舉鄉飲大賓

以上河間府志

楊爾敬 字一字青縣人制行純厚族人恃長侵  
爾敬房基者讓之不爭或佃耕爾敬田得銀數百  
金匿不使聞佃鄰報知爾敬云彼之福與我何與  
耶邑人稱爲長者卒之日異香滿室以子芳春傳詳

循吏 貴贈奉政大夫河南按察司僉事青縣志

胡璜 字宸琮慶雲人教諭時行子性孝友提學

御史以德行獎之任襄陵縣丞署絳州事及解纒貧不能歸襄陵士民資送之至里瑯堵蕭然絕不

介意學者稱冲德先生

慶雲縣志

鄧煜 字含黎慶雲人拔貢生性恬退事親備竭

孝養於書無所不讀博聞強記談論古今娓娓不

倦明末兵變掩暴骨數百人晚年施醫藥以南華

自娛值邑人構訟援煜作証不肯向吏遂自盡訃

聞通邑痛惜之子國賓官縣丞

慶雲縣續志

隱逸

國朝

天津府志

卷之二十九

人物隱逸

十四

褚士奇 字斗華鹽山人博學宏文性淡定不事聞

達崇禎戊辰恩選入太學順治乙酉部催就仕曰

二親老矣恐報劉之日短也辭之甲午銓授通判

復堅辭不就

鹽山縣續志

邵汝德 字雙彌鹽山人廩生家貧力學善詩古文

辭

國初太學俱破格選用

詔天下學臣舉諸生文行兼優者充國雍學使曹溶首

辟汝德辭不赴子冲

傳詳文苑

成進士名自恬退閉戶

著書士林重之

鹽山縣志



劉 佚 字無逸號遜之晚年名夢號患骨滄州人

明末諸生隱居不仕妻亡不再娶有二女通翰墨

亦早卒惟有一僕菜羹粗糲晏如也博覽經史及

宋儒諸書書法瘦硬畫山水以草勢成之書篆隸

尤工草篆愛摹刻古印詩蒼涼悲惋有騷雅遺風

順治甲午夏佚臥病有數卒排闥入屋之遂自縊

所著有三教合宗證明了竟篆中隸宜五車韻端

補昨非今妄集若干卷惟剛正資治通鑑未卒業

王家基 滄州人明萬 戊午解元魏忠賢擅政欲

招致門下啖以利家基正色拒之試禮闈忠賢傳

天津府志

卷之二十九

人物 藝術

五

意相招又力拒之自是隱約食貧終身不試

國朝定鼎退而耕日家基幸際太平得稱逸老足矣別

業在城南新縣鎮北人呼之曰解元莊以上鹽山縣續志

藝術

前漢

趙 定 渤海人宣帝時丞相魏相奏雅琴趙氏七

篇召見待詔 前漢書 藝文志

北魏

郝文法 渤海人嘗從清河崔或學醫遂有人名入

北齊

吳遵世 字季緒渤海人少學易入恒山從隱居道士遊處數年忽見一老翁謂之云授君開心符遵世跪取吞之遂明占候後出遊京洛以易筮知名魏武帝之將卽位也使遵世筮之遇明夷之賁曰初登於天後入於地帝曰何謂也遵世曰初登於天當作天子後入於地不得久也終如其言世祖以丞相在京師居守自致猜疑甚懷憂懼謀將起兵每宿著令遵世筮之遵世云不須起動自有大慶俄而趙郡王奉太后令以遺詔追世祖及卽祚

天津府志

卷之二十九

人物  
藝術

六

授其中書舍人固辭以疾

北齊書  
本傳

王 早 渤海南皮人也明陰陽九宮及兵法善風

角明元時喪亂之後有人詣早求問勝術早爲設法令各無咎由是州里稱之時有東莞鄭氏執得讎人趙氏剋明晨會宗族當就墓所刑之趙氏求救於早早爲占候并授以一符曰君今且還選取七人令一人爲行主者佩此符於鷄鳴時伏在讎家宅東南二里平巨當有十人相隨向西北行中有二人乘黑牛一黑牛最在前一黑牛應第七但捉取第七者將還事必無他趙氏從之果如其言

乃是鄭氏男五父也諸子並爲其族所宗敬故相  
解二家趙氏竟免後早與客清晨立於門內遇有  
卒風振樹早語客曰依法當有千里外急使日中  
時有兩匹馬一白一赤從西南來至卽取我逼我  
不聽與妻子別語訖便入召家人隣里辭別仍沐  
浴帶書囊日中出門候使如期果有馬一白一赤  
從州而至卽促早上馬遂詣行宮時太武圍涼州  
未拔故許彥薦之早彥師也及至詔問何時當剋  
此城早對曰陛下但移據西北角三日內必剋帝  
從之如期而剋輿駕還都久不雨帝問早早曰今

天津府志

卷之二十九

人物  
藝術

七

日申時必大雨比至未猶無片雲帝詔早詰之早  
曰願更少時至申時雲四合遂大雨滂沱早苦以  
疾辭乞歸鄉里詔許之遂終於家或言許彥以其

術勝恐妨已譎令歸之耳

北史  
本傳

顏惡頭 章武郡人也妙於易筮遊州市觀卜有婦  
人負囊粟來卜歷七人皆不中而強索其粟惡頭  
尤之卜者曰君若能中何不爲卜惡頭因筮之曰  
登高臨下水洄洄唯聞人聲不見形婦人曰姪身  
已七月矣向井上汲水忽聞胎聲故卜惡頭曰吉  
十月三十日有一男子詣卜者乃驚服曰是顏生

邪相與具羊酒謝焉有人以三月十三日詣惡頭  
求卜遇兌之履惡頭占曰君卜父父已亡當上天  
聞哭聲忽復蘇而有言其人曰父臥疾三年矣昨  
日鷄鳴時氣盡舉家大哭父忽驚寤云我死有三  
天人來迎欲升天聞哭聲遂墜地惡頭曰更三日  
當永去果如言人問其故惡頭曰兌上天下土是  
今日庚辛本宮火故知卜父今三月土入墓又見  
宗廟爻發故知死變見生氣故知蘇兌爲口主音  
聲故知哭兌變爲乾乾天也故升天兌爲言故父  
言故知有言未化入戌爲土三月土墓戌又是本

天津府志

卷之二十九

人物  
藝術

六

宮鬼墓未後三日至戌故知三日後死惡頭又語  
人曰長樂王某年某月某日當爲天子有人姓張  
聞其言數以寶物獻之豫乞東益州刺史及期果  
爲天子擢張用之惡頭自言厄在彭城後遊東都  
逢彭城王尔朱仲遠將伐齊神武於鄴召惡頭令  
筮惡頭野生不知避忌高聲言大惡仲遠怒其沮

衆斬之

北史  
本傳

唐

邢和璞 善知人天壽開元時有張果自言生堯丙  
子歲帝使和璞推之懵然莫知其端和璞喜黃老

作穎陽書世稱之

唐書張果傳

按和璞附見新唐書張果傳不言何地人河間府志稱其隱於瀛海間仍之

何滿 滄州人白樂天云開元中何滿犯罪繫獄

中撰曲曰河滿子鞠獄者憫之為之奏明皇不許

竟坐

唐詩紀事

宋

劉翰

滄州臨津人世習醫業初攝護國軍節度

巡官周顯德初詣闕獻經用方書三十卷論候十

卷今體治冊集二十卷世宗嘉之命為翰林醫官

其書付史館再加衛尉寺主簿太祖北征命翰從

天津府志

卷之二十九

人物藝術

九

行建隆初加朝散大夫鴻臚寺丞時太祖求治事

皆覈實故方技之士必精練乾德初令太常寺考

較翰林醫官藝術以翰為優絀其業不精者二十

六人自後又詔諸州訪醫術優長者籍其名仍量

賜裝錢所在厨傳給食遣詣闕開寶五年太宗在

藩邸有疾命翰與馬志視之及愈轉尚藥奉御賜

銀器緡錢鞍勒馬嘗被詔詳定唐本草翰與道七

馬志醫官翟照張素吳復珪王光祐陳昭遇同議

凡神農本經三百六十種名醫錄一百八十種唐

本先附一百一十四種有名無用一百九十四種

翰又叅定新附一百三十三種既成詔翰林學士  
中書舍人李昉戶部員外郎知制誥王祐左司員  
外郎知制誥扈蒙詳覆畢上之翰後加檢校工部  
員外郎太平興國四年命爲翰林醫官使再加檢  
校戶部郎中雍熙二年滑州劉遇疾詔翰馳往視  
之翰還言遇必瘳旣而卽死坐責受和州團練副  
使端拱初起爲尚藥奉御淳化元年復爲醫官使  
卒年七十二

宋史本傳

許希 渤海人仁宗疾諸醫俱劣冀國太長公主  
薦希診脉宜心下用鍼方愈左右俱以爲不可諸

天津府志

卷之二十九

人物藝術

三

黃門祈以身試之無害遂鍼之帝愈命爲翰林醫  
官賜緋衣銀魚及器幣希拜謝已又向西拜帝問  
其故對曰扁鵲臣師也請以賜金裝廟帝遂成廟  
於鄭野封靈應候希著神應鍼經要訣仕至殿中  
省尚藥奉御

明

任資 一名毅字致遠滄州庠生太醫院奏允考  
選醫士資得入焉以醫功累進院判進藥屢劾加  
官通政司右通政尋陞左資工於難經本草常語  
人口他日不爲良相必爲良醫果實其言

以上滄州志



獅道人 張氏滄州人精於易以易折字言無不中

袁繩武 滄州人以歲餒游四方遇異人授以書二

冊繩武挾其術走京師一時決疑問難無不曲中

喜發人隱事令其畏而悛改遇貧者解囊贈之或

云某地有藏某親友可貸其人如其言求之無不

驗有某就繩武問休咎繩武不應甫出戶即厲聲

曰因一婢而乖伉儷之好尚可與言耶坐中無不

悚然

寓賢

天津府志

卷二十九

人物  
寓賢

三

周

呂尚 齊太公望也佐武王克殷成鷹揚之功封

於齊當困棘津時嘗釣於南皮城西十里今臺尚

存 南皮  
縣志

按靜海縣志亦稱縣南三十里有太公望釣臺其地有子牙里子牙河在焉相傳太公會釣魚於此夫太公之字子牙已無可據復因子牙里與河之名而附會釣臺益覺其說之不經矣世邈難稽姑存其說

後漢

范冉 字史雲陳留外黃人少慕梁伯鸞閔仲叔

冉為萊蕪長遭母憂不到官後

辟太尉府以狷急不能從俗嘗佩韋於朝議者欲以爲侍御史因遁身逃命於梁沛之間徒行敝服賣卜於市遭黨人禁錮遂推鹿車載妻子捃拾自資或寓息客廬或依宿樹蔭如此十餘年及結草廬居焉南皮縣志謂在古南皮之西所止卑陋有時絕粒窮居

自若言貌無改閭里歌之曰甌中生塵范史雲釜中生魚范萊蕪黨禁解爲三府所辟乃應司空命

中平二年卒年七十四諡曰貞節先生後漢書本傳按冉寓息皮城史無明文且云逃命梁沛之間則益非河間之地可知舊志相沿已久姑存之又後漢書注冉或作丹

天津府志

卷之二十九 人物

三

三國魏

吳 質 字季重濟陰人以文才與建安諸子並馳

名當世寄居南皮文帝雅愛敬之嘗偕阮瑀輩過訪日相歡洽後與質書云憶昔南皮之遊誠不可忘浮甘瓜於清泉沉朱李於寒冰節同時異物是人非我勞如何

河間府志

按裴松之三國志注謂魏文帝卽位又有與質書云南皮之遊存者三人烈祖龍飛或將或侯今惟吾子樓遲下仕三人者謂曹真曹休前與質等俱在勃海游處也真休二人舊志失載因附錄之

王 修 字叔治北海營陵人年七歲喪母母以社日亡來歲鄰里社修感念母哀甚鄰里聞之爲之

罷社初平中孔融召爲主簿守高密令頃之郡中有反者修聞融有難夜往奔融賊初發融謂左右曰能冒難來惟王修耳言終而修至袁譚在青州辟修爲治中從事譚攻兄尚修諫曰兄弟還相攻擊是敗亡之道也譚不聽太祖破南皮閱修家穀不滿十斛有書數百卷太祖歎曰士不妄有名乃禮辟爲司空掾遷魏郡太守魏國旣建爲大司農

郎中令

三國志本傳

南北朝

崔暹

字季倫少爲書生避地勃海依高乾乾以

天津府志

卷之二十九

人物寓賢

三

妹妻其弟慎後暹爲尚書僕射

北史本傳

唐

王勃

字子安絳州人唐高宗時六歲能文詞章

蓋世年十三侍父宦遊江左舟次馬當山登岸步

見大門當道榜曰中元水府之殿迨回歸路遇老

叟坐於磯上與勃長揖曰子非王勃乎勃心驚異

叟曰來日重九南昌都督命客作滕王閣序子有

清才盍往賦之勃曰此去南昌七百餘里今已九

月八日矣夫復何言叟曰子誠往吾助清風一夕

勃欣然拜謝問叟仙耶人耶叟笑曰吾中元水府

君也勃卽登舟翌日昧爽已抵南昌會府帥閻公會僚屬於滕王閣授簡及勃勃輒受爲序頃而成文大悅謝以五百縑勃舟回故地而叟已先坐石磯矣勃拜謝曰當具菲禮以答神庥叟笑曰但過長蘆焚陰錢十萬吾有未償薄債也勃後過長蘆如數焚之而去

河間府志

蕭穎士 字茂挺四歲善屬文十歲補太學生觀書一覽卽誦通百家譜系書籀學開元中舉進士天寶初補秘書正字于時裴耀卿等皆先進器其材與鈞禮由是名播天下尹徵王衡等皆執弟子禮

天津府志

卷之二十九

人物  
萬賢

十四

以次授業時號肅夫子嘗遊南皮清明泛舟有序存焉後客死汝南門人諡曰文元先生

唐書本傳

陽城 字亢宗定州北平人徙陝州夏縣世爲官族資好學貧不能得書求爲吏隸集賢院竊院書讀之晝夜不出戶六年無所不通及進士第乃隱中條山遠近慕其行來學者跡接於道閭里有爭訟不詣官而詣城決之李泌爲相薦爲諫議大夫諫止裴延齡爲相城力也

同上

按河間府志云城乃去滄州隱中條山滄州志云隱中條山柳谷之北德宗時詔自滄州起之而新舊唐書均無滄州之說似與本傳不合更考今天津府屬滄州北三里有條山青縣南二里有中條

耳知  
不...中條山也舊志既誤今...  
又於...傳增出滄州二字宜其承...  
...

五代

龍 敏 字欲訥幽州永清人少仕州攝叅軍劉守

光亂避之寓居滄州遂客於梁敏素善馮道道為

唐莊宗從事乃潛往依之...張承業為道曰聞

子有客可與俱來因辟敏...使掌奏記

史本傳

趙 玉 漁陽人嘗客滄州依節度使呂堯劉守光

破滄州盡滅堯族子琦年十四玉竊負以逃變姓

天津府志

卷之二十九

人物寓賢

三五

名丐衣食以給琦琦生南唐至兵部尚書燕趙間

以玉能存孤翁然稱之

續文獻通考

劉 响 涿州人為人美丰儀與其兄暄弟皞

皆以好學知名薊燕之間後為定州王處直觀察

判官處直為其子都所囚暄亦為怨家所殺响乃

避之滄州唐莊宗即位拜响太常博士以為翰林

學士明宗時遷端明殿學士兼判三司

五代史

宋

家鉉翁 眉州人累官至僉書樞密院事宋末時使

元教授河間成宗即位賜還錫號處士有詠鯨川

才氣卓越領萬 戊午鄉薦重過南皮賦詩

流連浹日 南皮縣志

張彪 河南磁州人知慶雲縣寬猛相濟大得民

情秩滿以老乞歸而貧不能去遂占籍興濟家焉

鄒元標 字爾瞻吉水人萬 初進士歷官左都御

史加太子太保犯顏敢諫羣邪側目被謫時寓慶

雲天宮寺與僧壽平為方外交曾於殿壁題三教

歸一說至今翰墨如新

左懋第 號蘿石山東萊陽人南皮令之禎在隨之

禎任居南皮登第後每過必低徊不忍去後以奉

天津府志

卷之二十九

人物

三

使徇義著聞海內 以上河間府志

張德政 字平子號侑盤武林人能詩善書客遊

南皮遂卜居焉仕南通州州判卒於官 列朝詩集小傳

孫文安 某縣人流寓鹽山力農養親父早死事母

姜極孝母歿既葬廬墓三年 鹽山縣志

李思賢 江西南昌人賈於滄遂寓焉援例授光祿

寺署正滄州有貧不能葬者施棺瘞之每歲寒卽

施棉衣崇禎四年守禦百戶吳之昇監造盜甲違

式繫獄思賢為捐銀改造完官十三年大饑復捐

資千餘金賑濟全活饑民甚衆



周達仁 紹興人居滄行鹽古籍滄州崇禎十三年  
饑捐資買米救活萬人遇公事輒代貧者攤賠間  
有償還却不受鄉黨號為周義士壽七十一歲  
陳 性 字益之浙江人籍於滄少事詩書博聞強  
識為人有豪俠氣能急人難而無吝惜竭力事親  
無懈志待兄弟姊妹曲盡手足之誼遇事急公倡  
義常在先考授府經歷

國朝

楊穎昌 遼東蓋州貢生任滄州分司捐俸養學親  
督畚鍤居官清慎滄人德之陞乾州知州簡居於

天津府志

卷之二十九

人物  
寓賢

三

滄州志  
以上滄

張文元 大同人寄籍天津順治十年天津  
元捐貲賑荒全活災民以數萬計撫院上其事

詔賜八品頂帶以旌之子琦康熙七年亦出粟數百石

以食饑民  
畿輔通志

陳 錦 字天章遼東人由武進士歷任浙閩  
督

錦少時曾隨父卜居青縣後過青泊舟河澚  
邑中士夫修縞紵之好青人稱之

蔡士英 字魁吾遼東人歷官總督文章經濟占冠  
一特士英幼讀書於青既貴往返過青多所捐

以上青  
縣志

劉世燧 字本齋河南新蔡人南皮令址之父官陝

西鳳翔府知府有廉名乞休後址迎養南皮著有

倚雲閣詩集

南皮縣志

任度 字林屋本姓陳南通州人畫宗唐宋諸名

家遠邇徵索門限幾斷晚年悉以吳仲圭法應之

性崛強貧無儲粟未嘗以技自抑天啓中隱於滄

遂家焉

涂山 字青來號靜微南昌人寓於滄工詩能畫

草蟲花鳥俱入逸品沒後王中丞梅和公藏其遺

天津府志

卷之二十九

人物高賢

完

稿下地葬之

張文亨 大同人僑居滄州性孝友有貸其財者不

能償輒以原券歸之或以非禮相加笑不與較咸

稱長者

以上滄州志

張霖 字汝作號魯菴永平撫寧縣人父明宇遷

天津遂家焉霖幼歧嶷讀書十行俱下為詩古文

卓然成一家言由歲貢生起家歷官福建布政使

司家饒於貲推解不倦中間緣事落職遂構問津

園為偃息地法書名畫充溢棟宇復招天下名流

觴詠其中如梅定九朱竹垞姜西溟查夏重趙穉

谷諸前輩咸主其家時人擬之月泉吟社玉山草堂差不愧云

牛射斗 字見垣山西長治人僑居天津順治間隨洪經畧承疇督理軍餉授中書舍人後隨征江南多所擘畫次蕪湖卒於軍

佟 鉉 字蔗村已而道人其別號也長白人父某官河南布政使兄弟六人皆通籍仕路鉉以國學生例授別駕不願謁選絕意華廡卜居天津城西門臨流水榜其居曰滄浪考槃布衣葛履忘爲貴介也性嗜山水耽吟咏早年詩學蘇陸一變而入

天津府志

卷之二十九

人物  
寓賢

三

大 貞元之室津之能詩者未有過之妾趙氏字豔雪亦工詩鉉築豔雪樓貯之今土人所稱佟家樓卽其遺址

程 鑰 字北堅晚年更字果菴本浙江之山陰人年十六來天津遂寓焉少孤事母以孝著與人居不見喜愠之色於書無所不窺而淡泊不嗜榮利有勉之就試者援筆立就辭采甚偉顧視隣生窘甚袖以與之遂不試而出性倜儻好論當世事生平游歷南北幾遍好施濟遇匱乏者雖旅邸傾囊贈之無少惜從兄有無子者代之置姬侍親爲奉

養族弟有以子女托鑰者弟歿妻挾子女僅適鑰  
訟之年餘復攜歸爲之婚嫁盡禮客饗慶有以官  
事致累者鑰爲左右之旣免密齋金餉鑰鑰峻拒  
之不受客粵西友有挈妻子而病於逆旅者鑰爲  
資給之凡數年以故家日益貧母卒於津謀歸葬  
於越未得復遠客於浙客而病鑰自知醫診其脉  
已絕泣而祝曰天苟假之年卒葬而死無憾也旣  
而果不死奔走四方所得絲毫悉以供葬并置墓  
田家人在北飢寒之書日至鑰盡焚之不以措意  
蓋三年而葬畢而鑰亦竟卒於金陵矣友人謝重

天津府志

卷之二十九

人物  
仙釋

三

可高其誼爲之經理喪事歸葬於越鑰勤於撰述  
有斑管錄七十餘種豹隱齋詩文集若干卷無子  
有女名德輝以節烈著

李 釗 字所其號勉菴文安人也僑居天津性樸  
訥與人交無纖毫苟且工鐵筆借以自養取酬視  
貧富爲差等較量甚明其人爲所鄙雖有金不奏  
力也喜談導養術年七十少壯以壽終

仙釋

周

長桑君 長桑君異人也嘗往來渤海館穀於秦越

人遂與靈劑飲以上池水能洞見人時胸隔垣見物療人諸疾隨手而應後莫知所終事詳史紀滄州志

漢

白驪上人 不知姓氏自西方來滄州騎白驪衲衣

錫杖俗呼七祖見東塘蘆葦叅天多虎狼傷人以

錫杖指示驅走無跡民得安生立堂以祀後亦不

知所之河間府志

按河間府志及滄州志並云上人俗呼七祖則為齊梁後人無疑矣列之漢代不知何據也不敢臆斷仍之以質博雅

天津府志

卷之二十九人物

三

晉

鮑 靚 字太元東海人年五歲語父母曰本是曲

陽李家兒九歲墜井死其父母尋訪得李氏推問

皆符驗靚學兼內外明天文河洛書稍遷南陽中

都尉為南海太守嘗行部入海遇風飢甚取白石

煮食之以自濟王機時為廣州刺史入廳見二人

着烏衣與機相捍良久擒之得二物似烏鴨靚曰

此物不祥機焚之遂飛上天機尋誅死靚嘗見仙

人陰君授道訣百餘歲卒晉書本傳

石 垣 字洪孫自云北海劇人居無定所不娶妻

妾不營產業食不求美衣必麤弊或有遺其衣服受而施人人有喪葬輒杖策弔之路無遠近時有寒暑必在其中或同日共時咸皆見焉又能闔中取物如畫無差姚萇之亂莫知所終

晉書本傳

按河間府志及滄州志以垣為漢人又以垣為坦俱誤

唐

呂洞賓 開元中一道士自號彭蠡主人索滄酒千

餘斗飲竟乘鶴而去後人構樓肖像以奉之樓名

朗吟

滄州志

李 清 北海人隋開皇四年入雲門山窟遇仙授

天津府志

卷之二十九

人物仙釋

三

書一軸甫旬歸已為唐永徽元年矣開所授書乃

小兒醫方也屢試屢驗後入太行不見

神仙通鑑

李長者 自滄州來日食十棗一栢葉小餅掩室著

論無虛時後逢一虎長者語虎曰吾欲釋華嚴經

可與吾擇一棲止處虎遂起行至神福山得一龕

居之乃著論年九十六化於龕中

列仙傳

陳鉉裝 父光慈登進士隋時除守無棣渡津被水

賊劉洪害裝在襁褓母殷氏倉卒間以木匣貯之

置於河中流分水鎮西河塢金山寺僧人驚啓視

之有字一行在衣襟知其本源丐河南岸康母乳



之... 流和尚貞觀十三年奉勅取經天竺賜號

三藏去師

郭外農談

宋

劉德仁 鹽山人始生有光照其室及長讀書稍通

大義會靖康之亂居本邑太平鄉一日晨起有老

叟乘犢車相遇撫道德經要言授之曰善識之可

以修身可以化人仍投筆一枝而去自是元學頓

進從遊者眾德仁乃取所授書敷釋其義以示人

一曰視物猶已勿萌戕害凶與之心二曰忠於君

孝於親誠於人辭無苟且三曰除邪淫

天津府志

卷之二十一

三

守清淨四曰遠惡五曰戒色六曰節而食量入為用

五曰勿事博奕毋習盜竊六曰勿飲酒茹葷衣食

取足勿為驕盈七曰虛心而弱志和光而同塵八

曰毋恃強梁謙尊而光九曰知足不辱知止不恥

學者宜世守之金大定初詔居京城天長觀賜號

東岳真人傳其道幾徧國中且善於劾召之術趙

氏為狐所崇德仁劾之里中瑩兆自焚狐數百鳴

嘯赴火死人其神之後遺封無憂普濟開明洞微

真人

鹽山縣志

元

海上老人 隱姓氏住渤海條山洞中時與山左右  
耆老相遊息遇金亂年荒饑死者衆諸老憂切不  
釋老人曰從吾入海以度儉年入海煮石而食甚  
甘美次年諸老皆肥澤而歸畿輔通志

明

董教清 號中壺羽士也初修煉於太和山之五龍  
宮久之欲遊覽諸名勝遂涉荆襄歷秦晉蜀趙間  
得異人傳以醫藥濟世南皮有安姓者助資施藥  
仍留居之遠近咸稱國手年九十餘終河間府志

洪秀 號天竺僧住慶雲天宮寺戒律精嚴兼工

天津府志

卷之二十九

人物仙釋

三

於詩有句云蒲團靜坐千山月竹戶閒棲一片雲  
名流爭賞之

壽平 住天宮寺為洪秀繼席貌奇異目如指指  
痕時稱小眼法師博覽內典識叅上乘與鄒爾瞻  
為方外交著有三教歸一論

蓮峰 道士年百餘歲不知何處人步履如飛訪

慶雲張某水部於北村不值題詩東嶽廟壁云一

別北村經幾年桑田成海海成田浮雲世事翻新

故流水韶華趁後先一帶好山荒樹外數聲啼鳥

落花前我來訪舊渾無識大半人非更可憐以上慶雲

一舟 名芥長蘆人工畫山水人物皇明書畫史

國朝

海鑑 字幻持一字者休鹽山歸寧里人年十六

欲出家母牽裾止之鑑曰有弟在母無患失養也

拜母而出投師沙門誦習金剛楞嚴諸經務究大

義不屑耳口久能通曉坐卧只以繩牀自隨歷叅

五臺少林落伽諸尊宿後入黃山精研韻學五音

清濁高下毫髮必辨順治初歸里探母邑人得傳

其學至今稱之鹽山縣志

天津府志

卷之二十九

人物仙釋

三

王聰 字玉笈號野鶴傍三义河之濱結宇曰香

林苑極幽潔老樹古藤野花碎石錯雜窻戶間工

於詩詩人過者屐滿戶外週遭廊廡長箋短幅粘

壁無隙地或戲謂其齋曰詩版海光寺志

元弘 字石庭會稽人姓姚氏孝子諱崇明者弘六

世祖也母巖夢服金伽衣僧而娠十七祝髮大善

寺為盟石息法嗣越七年遍叅諸方熟精內典若

為則範寒泉晝諸耆臘皆自為弗及也康熙庚辰

孝子墓為勢家所占弘杖錫上長安力謀復之

安郡王及弟紅蘭主人一見如夙契延主彌陀寺

席霽嶙永法師薦入

內庭

召對暢春園賦初春瑞雪應制詩稱

旨丁亥掛瓢天津之海光與湘南衡鍵關結夏箋疏楞

巖全部已酉

聖祖南巡召對杭州之西湖行宮

賜御書金字心經 精於書畫尤工詩禪藻清芬凌轢

島可尋以不樂塵空歸老高雲晚著杜鵑集又號

杜鵑和尚云

成衡 字湘南嘉興錢氏子幼耽禪悅薙染後力叅

天津府志

卷之二十九

人物  
仙釋

三

上乘康熙丙戌天津總兵監理建普陀寺於城南

延衡爲主席己亥衡迎謁

聖祖於西淀

賜御書海光寺額續復三

賜紫衣恩賚甚渥衡書畫俱入逸品生平所作詩不下

數千首絕類大蘇又輯有海光寺志八卷晚歸天

童以終

按流寓仙釋雖不產自本郡而緝地輿者若少陵

浣花村東坡雪堂每錄之以爲美譚矧讌友之臺

鯨川之詠俱在郡壤地因人重寓公之宜志也舊

矣至緇羽名流魏晉以還並載正史爰摭其軼事  
以附諸傳之未以上人物合十三門載籍闕如蒐  
羅未廣拾遺補漏實有望於後賢云

天津府志卷之二十九

終

天津府志

卷之二十九 人物

三